

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Nezavisni odbor
Broj:01-04-556-36/21
Sarajevo, 17.02.2021. godine

SKUPŠTINA KANTONA SARAJEVO

O V D J E

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2020. godine - dostavlja se

Nezavisni odbor na sjednici održanoj dana 17.02.2021. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2020. godine, a u skladu s članom 45. st.5. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19 i 31/19), isti dostavlja Skupštini Kantona Sarajevo, informativno

PREDSJEDNIK

Miroslav Kružik, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax:+ 387 (0) 33 562-210
Sarajevo, Reisa Džemaludina Čauševića 1



Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19, 31/19 i 39/20) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", br. 23/16, 39/19 i 48/20), Nezavisni odbor Skupštini Kantona Sarajevo dostavlja:

IZVJEŠTAJ

o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2020. godine

Tokom vremenskog perioda **oktobar – decembar 2020. godine**, Nezavisni odbor Skupštine Kantona Sarajevo je od policijskog komesara Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), putem podnesenog izvještaja obaviješten da je preduzimao sljedeće mjere i radnje:

- a) Predstavljao Upravu policije neposrednim učešćem i radnim angažmanom na različitim sastancima policijskih agencija, tužilaštva i drugih institucija, usmenom i elektronskom komunikacijom sa vladinim i nevladinim organizacijama, medijima i to: predstavnicima OHR-a (na temu međusobne saradnje), predstavnicima ambasade SAD-a (na temu međusobne saradnje), sa Premijerom Vlade Kantona Sarajevo, članovima radne grupe za izradu novog Zakona o Upravi policije Ministarstva unutrašnjih poslova Kantona Sarajevo, otpravnikom poslova ambasade Libije na temu međusobne saradnje, prisustvovao sjednicama Nezavisnog odbora, članovima radne grupe za izradu Zakona o Upravi policije i ekspertne radne grupe za planiranje pravnog, finansijskog i administrativnog puta za izgradnju objekta Uprave policije Kantona Sarajevo, prisustvovao sjednicama Komisije za sigurnost Skupštine Kantona Sarajevo, savjetnikom za borbu protiv korupcije gosp. Larson Erikom, na temu borba protiv korupcije u Kantonu Sarajevo, prisustvovao sastanku ekspertne radne grupe za planiranje pravnog, finansijskog i administrativnog puta za izgradnju objekta Uprave policije Kantona Sarajevo, Jackie Hurst, oficirom za vezu ambasade Velike Britanije na temu borbe protiv privrednog i finansijskog kriminala, glavnom tužiteljicom Kantonalnog tužilaštva Kantona Sarajevo na temu sporazuma o međusobnoj saradnji, Koordinacije direktora Federalne uprave policije i policijskih komesara kantonalnih ministarstava unutrašnjih poslova pravobraniocima na temu aktuelne problematike, predsjednicom Općinskog suda za prekršaje u Sarajevu gđom Jovanović Janjom na temu aktuelne problematike, prisustvovao potpisivanju Protokola o saradnji sa Kantonalnim tužilaštvom Kantona Sarajevo, sa načelnikom Općine Ilidža, gosp. Muzur Nerminom na temu stanja sigurnosti, a u vezi sa boravkom migranata na području Općine Ilidža.
- b) Sve mjere i radnje preduzimao je uvažavajući prioritete date od strane Vlade Kantona Sarajevo i Komisije za sigurnost Skupštine Kantona Sarajevo, te smatra da je ostvario odličnu saradnju sa ministrom, Jusko Ismirom.
- c) Tokom izvještajnog perioda, ažurno, prema planiranoj i datoj dinamici u oblasti upravnog rješavanja, donosio je odluke (rješenja i dr.) koje se odnose na rješavanje radno-pravnog statusa uposlenika .



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



U izvještajnom periodu oktobar - decembar 2020. godine, naložio je aktivnosti na ažuriranju staža osiguranja za sve zaposlenike Uprave policije MUP-a Kantona Sarajevo, sa posebnim akcentom na zaposlenike koji bi tokom 2021., 2022. i 2023. godine trebali ispuniti uslov za penzionisanje, te je s tim u vezi vršio pismenu korespondenciju sa FZPIO, Fondom PIO RS-a i uposlenicima Uprave policije.

Nakon izvršenih izmjena i dopuna modula Kadrovskih evidencija za sve zaposlenike Uprave policije MUP-a Kantona Sarajevo (elektronska baza podataka), naložio je poduzimanje aktivnosti na kreiranju elektronskog personalnog dosjea zaposlenika.

Postupajući po Presudi Općinskog suda u Sarajevu broj: 65 0 Rs 361381 13 Rs od 15.09.2015. godine i Presudi Kantonalnog suda u Sarajevu broj: 65 0Rs 361381 19 Rsž 5 od 02.11.2020. godine, u pravnoj stvari tužitelja Kurtović Salema, uputio je niz akata ispred Uprave policije MUP-a Kantona Sarajevo kojima je tražio upute za postupanje od Pravobranilaštva KS, Općinskog suda u Sarajevu, Kantonalnog suda u Sarajevu, Nezavisnog odbora Skupštine KS, Policijskog odbora Vlade KS, te je u vezi sa navedenim uzeo učešće na radnim sastancima sa predstavnicima Pravobranilaštva KS i predstavnicima Općinskog suda u Sarajevu, a sve u cilju pravilnog i zakonitog postupanja u pogledu izvršenja navedene presude. U vezi sa navedenim, Ustavni sud Bosne i Hercegovine, donio je Odluku o privremenoj mjeri kojom se nalaže Općinskom sudu u Sarajevu da odloži izvršenje presude Općinskog suda u Sarajevu broj: 65 0 Rs 361381 13 Rs od 15.09.2015. godine, do donošenja Odluke o apelaciji, te je naveo da shodno tome Uprava policije će dalje aktivnosti poduzimati nakon okončanja postupka pred Ustavnim sudom.

Rješenjem Uprave policije MUP-a Kantona Sarajevo broj: 02/5-1-30-1-5102 od 08.12.2020. godine, formirao je Radnu grupu za sačinjavanje prijedloga Liste pitanja koja je u obavezi utvrditi za tekuću 2021. godinu.

U izvještajnom periodu vršena je analiza propisa u kontekstu donesenih izmjena i dopuna Zakona o unutrašnjim poslovima Kantona Sarajevo ("Sl. novine Kantona Sarajevo", broj: 39/20). S tim u vezi, sačinjen je prijedlog propisa čije je donošenje predviđeno Zakonom o unutrašnjim poslovima Kantona Sarajevo, kao što su: Prijedlog Instrukcije o izmjeni Instrukcije o pružanju pomoći drugim organima, Prijedlog izmjene Pravilnika o specijalnoj kasi, a podnio je i Inicijativu za stavljanje van snage Pravilnika o uvjetima za imenovanje i razrješenje članova Odbora za žalbe javnosti, te je iste uputio prema ministru Ministarstva unutrašnjih poslova Kantona Sarajevo.

- d) U izvještajnom periodu, pored prioriteta određenih od strane Vlade Kantona Sarajevo i planskih prioriteta Uprave policije koji se odnose na efikasne preventivne mjere i radnje (pozorno-patrolna djelatnost, rad policije u zajednici, kampanje i sl.), kvalitetne operativne aktivnosti usmjerene na rasvjetljavanje najtežih i najsloženijih krivičnih djela, nastavio je na provođenju normativnih aktivnosti za koje je ovlašten u dva oblika: donošenje propisa po osnovu izričite zakonske odredbe ili dostavljanjem ministru nacrtu i prijedloga propisa ili izmjena i dopuna propisa iz djelokruga rada Uprave policije (član 23. stav (3), tačka d) Zakona).

Tokom vremenskog perioda oktobar – decembar 2020. godine preduzeo je niz aktivnosti i dao lični doprinos na realizaciji normativnih aktivnosti na donošenju zakona koji su planirani Programom rada Skupštine Kantona Sarajevo, broj 01-04-10784/20 od 23.04.2020. godine.

Intenzivirao je aktivnosti na sačinjavanju i predlaganju donošenja Nacrta sljedećih zakona:



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



1. Zakon o mirnim javnim okupljanjima na području Kantona Sarajevo,
1. Zakon o javnim priredbama i drugim oblicima okupljanja na području Kantona Sarajevo.

Donio je Program rada Uprave policije za 2021. godinu.

Također je donio i Pravilnik o izmjeni Pravilnika o specijalnoj kasi, koji se ne objavljuje u Službenim novinama Kantona Sarajevo obzirom da isti nosi oznaku tajnosti „Interno“.

Lično se angažovao na pripremi potrebne dokumentacije koja je upućena Vladi Kantona Sarajevo na nadležno postupanje, a odnosi se na prijedloge:

21. Zakona o izmjenama i dopunama Zakona o unutrašnjim poslovima Kantona Sarajevo i
22. Zakona o izmjenama i dopunama Zakona o policijskim službenicima Kantona Sarajevo.

Navedeni Zakoni o izmjenama i dopunama Zakona su usvojeni i objavljeni u Službenim novinama Kantona Sarajevo.

Nakon donošenja naprijed navedenih zakona, proaktivno je djelovao i intenzivirao aktivnosti radne grupe na sačinjavanju i predlaganju donošenja određenih provedbenih propisa čija obaveza donošenja je propisana Zakonom o policijskim službenicima Kantona Sarajevo, po prioritetima, a naročito sljedećih propisa:

- a) Uredba o sadržaju, izgledu, dodjeli i oduzimanju činova policijskim službenicima Uprave policije Ministarstva unutrašnjih poslova Kantona Sarajevo,
- b) Uredba o policijskoj znački i službenoj iskaznici policijskih službenika Uprave policije MUP-a Kantona Sarajevo,
- c) Pravilnik o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo,
- d) Prijedlog Pravilnika o izmjenama Pravilnika o ocjeni rada policijskih službenika,
- e) Prijedlog Pravilnika o postupku naknade štete policijskih službenika Uprave policije Ministarstva unutrašnjih poslova Kantona Sarajevo,
- f) Prijedlog Pravilnika o izmjeni Pravilnika o privremenom eksternom premještanju policijskih službenika Uprave policije Ministarstva unutrašnjih poslova Kantona Sarajevo,
- g) Prijedlog Pravilnika o izmjeni Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo,
- h) Prijedlog Pravilnika o sadržaju i načinu vođenja evidencija i registara koji sadrže osobne podatke i koji vodi Uprava policije Ministarstva unutrašnjih poslova Kantona Sarajevo.

e) U izvještajnom periodu oktobar – decembar 2020. godine, blagovremeno i zakonito je odlučivao o svim pravima, obavezama i odgovornostima iz radnih odnosa policijskih službenika, državnih službenika i namještenika.

f) Donio je 3 rješenja o izricanju disciplinske sankcije za lakšu povredu službene



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



dužnosti.

- g) U izvještajnom periodu, shodno usvojenom budžetu, u dijelu koji se odnosi na Upravu policije, preduzimao je potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije Ministarstva unutrašnjih poslova Kantona Sarajevo.

U skladu sa članom 23. stav (3), tačka e) i h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), upućivao je akte Kabinetu ministra Ministarstva unutrašnjih poslova Kantona Sarajevo i Ministarstvu finansija Kantona Sarajevo.

Postupao je i po zahtjevima drugih organa.

U skladu sa svojim ovlastima, analizirao je potrebe Uprave policije za uposlenicima, te je u tom smislu naložio pripremu odluke o davanju saglasnosti Upravi policije Ministarstva unutrašnjih poslova Kantona Sarajevo da se izvrši popuna upražnjenih radnih mjesta državnih službenika i namještenika na neodređeno vrijeme, te je shodno navedenom Vlada Kantona Sarajevo dala saglasnost za popunu upražnjenih radnih mjesta za šest državnih službenika i osam namještenika. Nakon zakonski provedene konkursne procedure na upražnjena radna mjesta je primljeno šest državnih službenika, koji još nisu počeli sa radom jer je za iste uputio zahtjev za vršenje sigurnosnih provjera. Napominje da na provedenu konkursnu proceduru nije izjavljena nijedna žalba.

- h) Neposredno, kao i putem nadležnih organizacionih jedinica Uprave policije, pratio je realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2020. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Uprave policije za 2020. godinu.

Naglašava da zbog sprečavanja širenja pandemije korona virusom COVID–19, te naredbi, odluka i obavezujućih preporuka Kriznog štaba Ministarstva zdravstva Vlade Federacije Bosne i Hercegovine na sprečavanju širenja infekcije ovim virusom na području Federacije BiH, kao i odluka Kriznog štaba Ministarstva zdravstva Vlade Kantona Sarajevo, u navedenom izvještajnom periodu, veliki broj planiranih aktivnosti koje su trebale biti organizovane od strane Uprave policije, ali i subjekata izvan Uprave policije, su odgođene do daljnjeg.

Na osnovu planiranih aktivnosti Planom i programom stručnog usavršavanja policijskih službenika Uprave policije Ministarstva unutrašnjih poslova Kantona Sarajevo, broj 02/1-9/19 od 15.01.2020. godine, dao je saglasnost za provođenje programa internog i eksternog stručnog usavršavanja policijskih službenika kroz koje je, u periodu od 01.10. do 31.12.2020. godine, prošlo ukupno 1488 policijskih službenika.

Zbog značaja i važnosti obuke preciznog bojevog gađanja iz vatrenog oružja za policijske službenike, odobrio je Elaborat o izvođenju obuke preciznog bojevog gađanja iz osnovnog i posebnog naoružanja, broj I-02/1-2-1/20 od 01.10.2020. godine.

Nakon realizacije obuke preciznog bojevog gađanja sačinjena je analiza postupanja po Elaboratu o izvođenju obuke preciznog bojevog gađanja iz osnovnog i posebnog naoružanja, kojom je



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



konstatovano da je 1248 policijskih službenika uspješno prošlo navedenu obuku.

Naložio je održavanje radno edukativnog sastanka sa komandirima Policijskih stanica u Policijskim upravama, povodom dogovora i načina početka primjene Pravilnika o načinu prikupljanja i obradi statističkih podataka o saobraćajnim nezgodama ("Službeni glasnik BiH", broj 63/20) u organizacionim jedinicama Uprave policije.

Obezbjedio je profesionalnu licencu za pristup online Cisco webex platformi, čime je obezbjeđena i mogućnost korištenja informatičkog sistema za učenje online na daljinu, tako da će se moduli stručnog usavršavanja policijskih službenika kroz organizaciju i realizaciju online internih specijalističkih obuka, u skladu sa trenutnim i budućim epidemiološkim mjerama, moći izvoditi kroz tzv. Distance Learning Edukation odnosno učenje na daljinu za sve policijske službenike Uprave policije,

Nalagao je organizaciju i realizaciju programa eksternog stručnog usavršavanja sa subjektima izvan Uprave policije, kada su u pitanju nominacije policijskih službenika koji će učestvovati u specijalističkim obukama kroz program eksternog stručnog usavršavanja, a kroz koje je, u izvještajnom periodu prošlo **225** policijskih službenika.

Postupao je po aktima Ministarstva sigurnosti BiH, kroz program izbora za učestvovanje u programu UN Mirovnih misija, te je dao saglasnost za produženje mandata za tri policijska službenika koji su raspoređeni na pozicije u okviru kontingenta Bosne i Hercegovine u mirovnoj misiji UN-a u Južnom Sudanu - UNMISS, za vremenski period od 17.02.2021. godine do 17.08.2021. godine.

Istovremeno je dao saglasnost za dva policijska službenika, koji su položili UN SAAT test, da se kao zainteresovani kandidati mogu prijaviti na poziv Ministarstva sigurnosti BiH, za popunu upražnjenih pozicija BiH kontingenta u mirovnoj misiji UN-a - UNFICYP Kipar.

- i) Putem nadležnih Sektora i Odjeljenja, u skladu sa odredbama Instrukcije o hitnom, tekućem, povremenom i statističkom izvještavanju Uprave policije Ministarstva unutrašnjih poslova Kantona Sarajevo, preduzimao je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

U cilju ispunjenja svih propisanih mjera i standarda za uspostavu sigurnosnog područja u objektu Ministarstva unutrašnjih poslova Kantona Sarajevo u sjedištu, a na zahtjev i uz preporuku Sektora za zaštitu tajnih podataka u Ministarstvu sigurnosti BiH, u toku izvještajnog perioda, započeo je aktivnosti na izradi i sačinjavanju akata koji uređuju oblast informatičke sigurnosti vezano za sigurnosno područje i to:

22. Odluke o imenovanju sigurnosnog i opšteg administratora IKT sistema za obradu, pohranu i prijenos tajnih podataka u elektronskoj formi,
23. Sigurnosno operativne procedure.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Ustavnom sudu Bosne i Hercegovine upućen je odgovor na apelaciju u dva konkretna slučaja za lica za koja su utvrđene sigurnosne smetnje, te je u vezi s predmetnim za jedno takvo lice Pravobranilaštvu Kantona Sarajevo dostavio izjašnjenje u vezi postupka pred Sudom BiH.

U izvještajnom periodu Državnoj agenciji za istrage i zaštitu, upućen je zahtjev za vršenje sigurnosnih provjera za pet kandidata koji su po osnovu Javnog konkursa odabrani za prijem u radni odnos u upravu policije i za jednog policijskog službenika, dok je za šest policijskih službenika uputio zahtjev za vršenje sigurnosnih provjera za nadogradnju stepena tajnosti, prema Obavještajno-sigurnosnoj agenciji BiH.

Ministarstvu sigurnosti BiH, upućen je zahtjev za izdavanje dozvola za pristup tajnim podacima za sedam uposlenika Uprave policije.

Takođe je, u izvještajnom periodu, donio rješenje o nepostojanju sigurnosne smetnje za jednu osobu koja je po osnovu Javnog konkursa odabrana za prijem u radni odnos u upravu policije.

Svim organizacionim jedinicama Uprave policije je uputio dva instruktivna akta, kojima se daju upute za postupanje u oblasti zaštite tajnih podataka.

Kontinuirano je nadzirao provođenje aktivnosti iz oblasti zaštite tajnih podataka, u skladu sa odredbama Zakona o zaštiti tajnih podataka („Službeni glasnik BiH“, br. 54/05 i 12/09).

- j) Naložio je nadležnom odjeljenju Uprave policije raspisivanje i obustavljanje centralnih potjernica po naredbi nadležnih sudova, tako da je u izvještajnom periodu raspisano 25, a obustavljeno 25 centralnih potjernica, uz napomenu da su u tom periodu raspisivane i oglašavane i različite potrage operativnog karaktera.
- k) Nastavljena je dobra saradnja sa elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuja u vezi sa stanjem javnog reda, kriminaliteta i sigurnosti saobraćaja na području Kantona Sarajevo.

OSTALE AKTIVNOSTI:

Kada je u pitanju borba protiv korupcije, a što je i dalje jedan od prioriteta rada Uprave policije, u ovom vremenskom periodu je dao akcenat na borbu protiv korupcije unutar Uprave policije i Ministarstva. S tim u vezi, nastavio je sa nadziranjem i koordiniranjem provođenja mjera i radnji po operativnoj akciji „DAR“, što je rezultiralo podnošenjem službenog izvještaja nadležnom tužilaštvu protiv policijskih službenika za koje je utvrđeno postojanje osnova sumnje da su počinili veći broj krivičnih djela primanja dara i drugih oblika koristi, zloupotrebe položaja ili ovlaštenja i drugih krivičnih djela.

Preduzimao je mjere i radnje nadzora i stalnog animiranja rada odjeljenja u Sektoru kriminalističke policije koja su nadležna za rasvjetljavanje najtežih oblika krivičnih djela iz oblasti privrednog kriminala, krvnih i seksualnih delikata, imovinskih delikata i narkomanije, te direktno ili preko načelnika Sektora kriminalističke policije koordinirao njihovim aktivnostima, kojom prilikom je u izvještajnom periodu rasvjetljen veći broj vrlo složenih krivičnih djela.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210

Sarajevo, Reisa Džemaludina Čauševića 1



Dao je saglasnost za učešće u provođenju akcije kodnog naziva "FENIKS", kojom prilikom su policijski službenici Uprave policije, u saradnji sa službenicima Federalne uprave policije, identifikovali i procesuirali 12 osoba, koje su vršile krivična djela prijevare, krivotvorenja isprava i dr. s ciljem pribavljanja protivpravne imovinske koristi, legalizujući i stavljajući u pravni saobraćaj ukradena motorna vozila, a protiv kojih je nadležnom tužilaštvu podnešeno 12 službenih izvještaja zbog postojanja osnova sumnje da su počinili predmetna krivična djela.

Zadržao je akcenat rada na borbi protiv zloupotreba opojnih droga, te u tom pravcu podsticao i pratio zakonitost rada Odjeljenja za borbu protiv zloupotreba opojnih droga. Tako je u izvještajnom periodu naložio provođenje 30 operativnih akcija različitih kodnih naziva od kojih se posebno izdvajaju akcije kodnih naziva "HERCO", "ALI", "LUKI", "KASPER", "ŠMRK", "PEČAT 2" i "DVOR", pri čemu je nadležnom tužilaštvu podnešeno 35 izvještaja o izvršenim krivičnim djelima, protiv 44 lica za koja postoje osnovi sumnje da su izvršili krivična djela i to: iz člana 238. KZ F BiH (neovlaštena proizvodnja i stavljanje u promet opojnih droga) za 17 lica, iz člana 239. KZ F BiH (posjedovanje i omugućavanje uživanja opojnih droga) za 17 lica, te iz člana 358. KZ F BiH (Sprječavanje službene osobe u vršenju službene radnje), za jedno lice, iz člana 371. KZ F BiH (Nedopušteno držanje oružja ili eksplozivnih materija), za dva lica i iz člana 74. ZONDINOM-a Kantona Sarajevo za dva lica.

Navedene akcije su rezultirale većom zapljenom narkotičkih sredstava i određenog broja komada vatrenog oružja, koja su dokaz krivičnim postupcima.

Izvršioци navedenih krivičnih djela lišeni su slobode i predati u nadležnost Kantonalnom tužilaštvu Kantona Sarajevo.

Poseban segment u njegovom radu predstavlja svakodnevno iniciranje, planiranje i realizacija mjera na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje.

Tako je naložio postupanje i koordiniranje aktivnosti po Planu preduzimanja odgovarajućih mjera i radnji iz nadležnosti Službe za poslove sa strancima i Uprave policije na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo, kojim su planirane mjere i radnje koje su ove dvije službe zajednički preduzimale s ciljem pokušaja spriječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo, naročito u kontekstu sprječavanja širenja zaraze prouzrokovane virusom COVID 19, kao i s ciljem preventivnog djelovanja radi smanjenja broja krivičnih djela izvršenih od strane pripadnika migrantske populacije.

Aktivno je usmjeravao rad Operativnog tima za pitanje migranata u rješavanju problematike po pitanju migranata na području Kantona Sarajevo, tako što je nalagao vršenje kontrole migranata, pri čemu su policijski službenici Uprave policije MUP-a Kantona Sarajevo izvršili kontrolu ukupno 815 migranata od čega su 642 migranta prevežena i smještena u prihvatne centre "Ušivak" i "Blažuj".

Koordinirao je i nadzirao provođenje Operativnog plana Uprave policije broj 02-86-1/19 od 09.07.2019. godine, za sprječavanje i sankcionisanje svih oblika nezakonitog ponašanja migranata, postupanja, smještaja i drugih aktivnosti u vezi migranata na području Kantona



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Sarajevo, u saradnji sa službenicima Ministarstva sigurnosti Bosne i Hercegovine, Međunarodne organizacije za migracije (IOM), i neposredno nadzirao rad organizacionih jedinica Uprave policije tokom provođenja akcija u cilju pronalaska i sklanjanja migranata sa otvorenih prostora i privatnih objekata u Kantonu Sarajevo te stavljanja pod punu kontrolu i ograničenja kretanja istih u prihvatnim centrima "Ušivak" i "Blažuj".

Nadzirao je i koordinirao aktivnosti na rasvjetljavanju krivičnih djela u kojima su učestvovali migranti, kojom prilikom su policijski službenici Uprave policije lišili slobode 15 migranata od čega je 13, uz izvještaj o počinjenom krivičnom djelu, predato u nadležnost Kantonalnog tužilaštva Kantona Sarajevo.

U izvještajnom periodu migranti su počinili dva krivična djela iz člana 166. KZ F BiH "Ubistvo" kojom prilikom je smrtno stradao jedan migrant i jedan BiH državljanin.

Napomenuo je da je aktivno učestvovao na otkrivanju izvršilaca krivičnog djela ubistva BH državljanina i isključivo njegovim ličnim angažmanom doprinio da se osumnjičeni za izvršenje ovog krivičnog djela pronađu u R Srbiji i Kosovu, te liše slobode.

Protiv osumnjičenih lica za navedena krivična djela, Kantonalnom tužilaštvu Kantona Sarajevo, dostavljeni su izvještaji o počinjenom krivičnom djelu.

Dana 15.11.2020 godine direktno je rukovodio provođenjem planskih aktivnosti osiguranja izbornog procesa "Lokalni izbori 2020.", kojom prilikom je izvršeno uspješno osiguranje 159 glasačkih mjesta, zatim osiguranje centralnog mjesta za brojanje glasova u "Zetri" i uspješno izvršena pratnja glasačkog materijala do glasačkih mjesta i po završetku izbornog procesa, do centralnog mjesta za brojanje glasova. Sve navedene aktivnosti su izvršene apsolutno uspješno.

Poduzeo je sve potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo.

Koordinirao je aktivnosti Sektora uniformisane policije sa drugim policijskim agencijama i pravosudnim organima na provođenju mjera i radnji bitnih u kontekstu pandemije izazvane koronavirusom (COVID - 19). U tom smislu je po ovoj problematici, uputio ukupno 29 akata, 44 depeše i 321 e-mail kako organizacionim jedinicama Uprave policije, drugim policijskim agencijama u BiH, te prema Federalnoj upravi za inspeksijske poslove i Kantonalnoj upravi za inspeksijske poslove.

U periodu od 01.10.2020. godine do 31.12.2020. godine nadzirao je i koordinirao aktivnosti policijskih uprava, po pitanju izdatih rješenja od strane Federalne uprave za inspeksijske poslove i Kantonalne uprave za inspeksijske poslove, kao i aktivnosti pružanja asistencija - pomoći kantonalnoj upravi za inspeksijske poslove, kojom prilikom je dao saglasnost policijskim službenicima Uprave policije da u 24 navrata pruže asistencije-pomoći pri inspeksijskim nadzorima na poštivanju higijensko-epidemioloških mjera ugostiteljskih objekata i pri kontroli javnog gradskog saobraćaja.

Tokom izvještajnog perioda na teren je upućeno 228 depeša (instruktivne depeše, depeše nalagujećeg karaktera i sl) i ukupno 111 akata.

Također je izdao naredbu Sektoru uniformisane policije za vršenje sedam unutrašnjih nadzora u



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



organizacionim jedinicama Uprave policije, o čemu su sačinjeni izvještaji.

Kroz svakodnevne kontakte sa rukovodiocem Jedinice za profesionalne standarde, stvarao je uslove za nesmetan i nezavisan rad na provođenju unutrašnjih istraga.

U izvještajnom periodu okončano je 57 unutrašnjih istraga u okviru kojih je za tri policijska službenika utvrđen osnov sumnje da su počinili lakše povrede službene dužnosti. Nakon uvida i detaljne analize izvještaja o sprovedenim unutrašnjim istragama dao je saglasnost za izradu rješenja o sankcijama za lakše povrede službene dužnosti.

Sve navedene aktivnosti provodio je s ciljem demokratizacije rada policije, zaštite ljudskih prava i sloboda građana koji žive, borave i kreću se na području Kantona Sarajeva i postizanja što većeg nivoa sigurnosti građana i posjetilaca Kantona Sarajevo.

Sarajevo, 16.02.2021. godine

PREDSJEDNIK NEZAVISNOG ODBORA

Miroslav Kružik , s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1

